



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

4. Lepra per fidem in SS Trinitate à S. Martino pulsa.

**urn:nbn:de:hbz:466:1-45701**

436 Cap. XL. *Vigesima prima morb. caus. varia operâ pietatis*  
stiana illuc introducta, magna ex parte cessauerunt: nimirum  
Euangelica luce præsentate facillè fugantur principes tenebra-  
rum.

IV.

S. Greg. Tur.  
lib. 1. mirac.  
S. Martini  
cap. 11.  
Baron. Tom.  
7. An. 560.

Psal. 82. 17.

Alterum exemplum ostendit, fidem etiam contra morbos  
sæpe validum esse medicamentum, refertur autem à Gregorio  
Turonensi, qui scribit, Charrarici cuiusdam regis Gallicia fi-  
lium ita grauitè ægrotasse, vt solo spiritu palpiteret. Pater au-  
tem eius Ariana hæresi erat infectus, ad quam impiam sectam,  
etiam subditos traxerat. Mentis infectione, sequebatur infectio  
corporum. Nam in nulla alia regione plures lepra aspersi inue-  
niebantur. Rectè dixit Propheta: *Imple facies eorum ignominia,*  
*& quærent nomen tuum, Domine.* Hoc & regi huic euenit, qui  
cùm videret, filium suum in vltimo esse vitæ discrimine, è mini-  
stris suis remedium quærens dixit: *Martinus ille, quem in Gallia*  
*dicunt, multis virtutibus effulgere, cuius, quæso, religionis fuerit,*  
*enarrate.* Responderunt: *Catholica fidei populum pastorali cura in*  
*corpore positus gubernauit, asserens, cum Patre & Spiritu sancto Fi-*  
*lium equali honore venerandum.* Qui adhuc hodie non cessat de  
cælo mortalibus benefacere. Hac re audita, aurum argentumq;  
ad filij ægroti pondus pensatum misit ad D. Martini sepulchrum,  
illud adijciens, si sanitatem, qui missi erant, filio impetrarent, se  
idem, quod Martinus credidit, crediturum. Ierunt, munera  
detulerunt, miracula complura coràm viderunt, sed filio regis  
sanitatem non integram impetrârunt, rege adhuc etiam non in-  
tegra fide credente. *At ille intelligens, non antè sanari posse filium,*  
*nisi æqualem cum Patre crederet Christum, in honorem B. Martini*  
*fabricauit Ecclesiam, miroq; opere expeditâ, proclamat: Si suscipere*  
*mereor viri iusti reliquias, quodcumque sacerdotes predicauerint, cre-*  
*dam.* Dixit, & alia ad D. Martinum donatiua misit. Legati, ob-  
latis muneribus, & reliquijs sancti viri obtentis cùm redirent,  
vnâ cum sacris ossibus etiam sanitatem & filio, & regno regis  
retulerunt. Quippe ea pignora, vt ait S. Gregorius, *cum summa*  
*veneratione suscipientes, fidem miraculis firmant.* Nam filius regis di-  
missa omni ægritudine, sanus properat ad occursum: *Rex verò vnita-*  
*tem Patris, & Filij, & Spiritus sancti cõfessus, cum omni domo sua chri-*  
*smatus est. Squallor lepræ è populo pellitur, & omnes infirmi saluantur;*

nec unquam ibi usque nunc super aliquem lepra morbus apparuit. Quis unquam Hercules adeo fuit alexicacus, ut Sanctus iste? Sed fidem exegit: & fidem integram ante habere voluit, quam conferre integram sanitatem. Est quidem ita, non omnes, qui vera fide credunt in Christum, morbis liberantur, quia non omnibus prodest; attamen multos legimus, quibus etiam ad sanitatem profuit, credidisse; in haeresi autem obstinatis si talia non contingunt, quid mirum? Miracula contemnentibus non profunt. Maneant ergo leprosi, si nolunt esse miraculosi.

2. Ostendimus, Apostolos, ne propriae virtuti miracula tribuerent, sanitatem disertè, non in suo; sed in nomine IESU CHRISTI Nazareni contulisse. Et quando sacerdotes super claudo sanato statuentes eum in medio, interrogabant Petrum & Ioannem: In qua virtute, aut in quo nomine fecistis hoc vos? Tunc repletus Spiritu sancto Petrus dixit ad eos: Principes populi, & seniores audite: Si nos hodie dydicamur in beneficio hominis infirmi, in quo iste saluus factus est, notum sit omnibus vobis, & omni plebi Israel: quia in nomine Domini nostri IESU CHRISTI Nazareni, quem vos crucifixistis, quem DEUS suscitavit a mortuis, in hoc iste astat coram vobis sanus. Haec est compensatio, nominis exaltatio. CHRISTVS humiliavit semetipsum, factus obediens usque ad mortem, mortem autem crucis. Propter quod & Deus exaltavit illum, & donavit illi nomen, quod est super omne nomen: ut in nomine IESU omne genu flectatur caelestium, terrestrium, & infernorum: & omnis lingua confiteatur, quia Dominus IESUS CHRISTVS in gloria est DEI Patris. Hinc damnati Spiritus ad hoc nomen contremiscunt. Hinc morbi & dolores cadunt. Nec enim aliud nomen est sub caelo datum hominibus, in quo oporteat nos saluos fieri. In quam rem insignis historia narratur à Nicephoro, vel ideò non omittenda, quia demonstrat, non solum morbos hoc nomine depulso, sed etiam ea ipsa depulsione regem, & reginam, & totum populum fuisse ad Christum conversum.

Iberi, inquit Nicephorus, gens barbara & bellicosa, Christiani facti sunt, Constantino Romanum Imperium administrante. Habitat autem hac natio in intentiore Armenia parte ad Septentrionem & Euxinum versus. Sunt autem Iberorum in Hispania colani. Praest

V.  
Suprà cap. 39.  
§. 2. & 6.  
Actor. 4. 7.

Phil. 2. 8.

Actor. 4. 12.

VI.  
Nicephor. 1. 8.  
hist. Eccl.  
cap. 34.

